



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Sacrosancti Et Oecvmenici Concilii Tridentini, Pavlo III.  
Ivlio III. Et Pio IV. Pont. Max. celebrati, Canones Et  
Decreta**

**Tridentinum <1545-1563, Trient>**

**Coloniae, 1615**

De Impressione librorum.

**urn:nbn:de:hbz:466:1-42415**

§. iij.

In libris autem Catholicorum veterum nihil mutare fas sit, nisi, vbi aut fraude hereticorum aut typographi incuria, manifestus error irreperit.

Si quid autem maioris momenti, & animaduersione dignum occurrerit, liceat in nouis editionibus, vel ad margines, vel in scholijs adnotare, ea in primis adhibita diligentia, an ex doctrina, locisque collatis, eiusdem auctoris sententia difficilior illustrari, ac mens eius planius explicari possit.

§. v.

Postquam codex expurgatorius confectus erit. ac mandato Episcopi, & Inquisitoris impressus: qui libros expurgandos habebunt, poterunt de eorundem licentia iuxta formam in codice traditam, eos corrigere, ac purgare.

### DE IMPRESSIONE librorum.

§. j.

**N**ullus liber in posterum excudatur, qui non in fronte nomen, cognomen, & patriam præferat auctoris. Quod si de auctore non constet, aut iustam aliquam ob causam, tacito eius nomine, Episcopo, & Inquisitori liber edi posse videatur, nomen illius omnino describatur, qui librum examinauerit, atque approbauerit.

In his verò generibus librorum, qui ex variorum scriptorum dictis, aut exemplis, aut vocibus compilari solent, is qui laborem colligendi, & compilandi suscepit, pro auctore habeatur.

§. ij.

Regulares, præter Episcopi, & Inquisitoris licentia, (de qua regula decima dictum est) meminerint, teneri: se sacri Concilij Tridentini decreto, operis in lucem edendi facultate, à Prælato, cui subiacent, obtinere.

Vtramque autem concessionem, quæ appareat, ad principium operis imprimi faciant.

§. iij.

Curent Episcopi, & Inquisitores, pœnis etiam propositis, ne impressoriam artem exercentes, obscenas imagines, turpesve, etiã in grandiusculis litteris imprimi consuetas, in librorum deinceps impressione apponant.

Ad libros verò, qui de rebus ecclesiasticis, aut spiritualibus conscripti sunt, ne characteribus grandioribus utantur, in quibus expressè appareat alicuius rei profana, nedum turpis obscenave species.

Qui etiam inuigilabunt summo operè, ut in singulorum impressione librorum: nomen impressoris, locus impressionis, & annus, quo liber impressus est, in principio eius, atque in fine annotetur.

## §. iij

Qui operis alicuius editionem parat, integrum eius exemplar exhibeat Episcopo, vel Inquisitori, id ubi recognouerint, probauerintq; penes se retineant; quod Romae quidem in Archiuo Magistri sacri Palatii, extra urbem vero, in loco idoneo, quem Episcopus, aut Inquisitor elegerit, reseruetur.

Postquam autem liber impressus erit, non liceat cuiquam venalem in vulgus proponere, aut quoquomodo publicare, antequam is, ad quem hæc cura pertinet, illum cum manu scripto apud se retento, diligenter contulerit, licentiamque ut vendi, publicariq; possit, concesserit.

Idq; tum demum faciendum, cum exploratum habebitur, typographum fideliter se in suo munere gessisse, neq; ab exemplari manuscripto, vel minimum discessisse.

Qui contra facere ausus fuerit, grauius & seuerè puniatur.

## §. v.

Curent Episcopi, & Inquisitores, quorum muneris erit facultatem libros imprimendi cōcedere, ut eis examinandis, spectata pietatis, & doctrinæ viros adhibeāt, de quorum fide & integritate, sibi polliceri queant; nihil eos gratiæ daturus, nihil odio, sed omnino humano affectu posthabito Dei duntaxat gloriam spectaturos, & fidelis populi utilitatem.

Talium autem virorum approbatio, vna cum licentia Episcopi, & Inquisitoris, ante initium operis, imprimatur.

§. vi.

Typographi, & Bibliopola, coram Episcopo, aut Inquire, & Roma coram Magistro Sacri Palatii, iureiurando spondeant, se munus suum, catholice, sincere, ac fideliter exequenturos, huiusque indicis, decretis, ac regulis, Episcoporumque & Inquiretorum edictis, quatenus eorum artes attingunt, obtemperaturos, neque ad fax artis ministerium quemquam scienter admitturos, qui hæretica labe sit inquinatus.

Quod si inter illos, insignes, ac eruditi nonnulli reperiantur, fidem etiam catholicam, iuxta formam à Pio IV. fel. rec. præscriptam, eorundem Superiorum arbitrio, profiteri teneantur.

§. vij

Liber auctoris damnati, qui ad præscriptum Regularum expurgari permittitur, postquam accurate recognitus, & purgatus, legitimeque permissus fuerit, si denuo sit imprimendus, præferat titulo inscriptum nomen auctoris, cum nota damnationis, ut quamvis, quoad aliqua liber recipi, auctor tamen repudiari intelligatur.

In eiusdem quoque libri principio, tum veteris prohibitionis; tum recentis emendationis, ac permissiois mentio fiat; exempli gratia: Bibliotheca à Conrado Gesnero, figurino, damnato auctore, olim edita, ac prohibita, nunc iussu Superiorum expurgata, & permissa.